



UNIVERSITÄTS-
BIBLIOTHEK
PADERBORN

Universitätsbibliothek Paderborn

Nicolai Revsneri Ivrisconsvlti Hilaria, siue Evphronae Pantheae

Reusner, Nikolaus

Lavingae, 1581

VD16 R 1422

IV. Ad Diuam Salutem.

urn:nbn:de:hbz:466:1-12386

II.
Ad Lectorem.

*Si nimis hæc forsan, Lector, tibi multa videntur,
Alternis finem carmina lecta dabunt.*

III.
In Euphronas Panthea

*Panthea Diua Salus: at nox est Euphrona
Qui negat, is sanæ nil, puto, mentis habet.
Que Nox, quæq; Salus mihi carmina Diua
An non hæc par est nomen habere suum?*

IV.
Ad Diuam Salutem.

Parodia Horatiana.

*Quem tu, Diua SALVS, semel
Languentem placido lumine videris:
Non hunc mors quatiet fera,
Aut morbus pauidum: non dolor improbus
Percellet rigido metu
Afflictum: neque fors hunc variabilis
Mentis robore præditum,
Quamuis innocuum perpetuo premat:
Statu deijciet suo.
Sed Pax incolumem, lætaque Sanitas,
Et præsens animi Quies
Fingent Dijs subito cœlitibus parem.*

Aegro corpore languidum
Aspexit placido me Dea lumine:
Membrorumque redit vigor:
Et iam cura minus me premit anxia,
O qua numine blandulo
Corpus languidulum, Diva SALVS, beas:
O morti quoque frigida
Discussura graues, si libeat, metus:
Totum muneris hoc tui est:
Quod cœli intueor viuificum jubar:
Fungens munere pristino.
Quod vino, & valeo (sic valeam) tuum est.

V.

D. VVolfango Henrico
Streinio, Baroni Schuarzenauio.

Sana valetudo, mens sana est optima rerum:
Corporis illa anima est: hæc animæ est anima.

VI.

Ad Deum Optimum Max.

Qui solus mea FORTITVDO, qui que
SALVS, & mea LAVS, DEVS, fuisti:
O voti quid agam reus? quid ò quid
Pro vita mihi reddita rependam?
Quo te demerear mihi vicissim
Gratus munere? Non honore thuris

A 3 Te,